

Raporti i Transparencës 2020

Deloitte Audit Albania Shpk

31 mars 2021

Përmbajtja

Mesazhi i drejtimit- Deloitte Audit Albania Shpk	1
Rrjeti Deloitte	2
Çfarë sjell Deloitte Audit në tregjet e kapitalit	6
Monitorimi i cilësisë së auditimit të jashtëm dhe të brendshëm	14
Pavarësia, etika, dhe informacione të tjera shpjeguese	17
Aneke	22
Aneksi A Informacioni Financiar	23
Aneksi B Entitete të Interesit Publik	24

Mesazhi i Drejtimit-Deloitte Audit Albania Shpk

Ky raport paraqet praktikat dhe proceset, të cilat aplikohen aktualisht nga Deloitte Audit Albania Shpk, në përputhje me nenin 45 të ligjit, nr. 10091, datë 5 Mars 2009, ndryshuar sipas ligjit nr. 47/2016, datë 28 Prill 2016 “PËR AUDITIMIN LIGJOR, ORGANIZIMIN E PROFESIONIT TË AUDITUESIT LIGJOR DHE TË KONTABILISTIT TË MIRATUAR”.

Informacioni i paraqitur në këtë raport lidhet me situatën e Deloitte Audit Albania Shpk më 31 dhjetor 2020, përveç rasteve kur është shprehur ndryshe.



Në Deloitte, ne jemi të përkushtuar drejt përmbushjes së qëllimit tonë të përbashkët për të sjellë integritet dhe besim duke fuqizuar tregjet e kapitalit me shërbime inovative të auditimit dhe këshillimit të sigurisë financiare që shtojnë vlerën e ofruar nga profesioni ynë. Ne jemi krenarë për rolin që luajmë për bashkëpunëtorët tanë, klientët, komunitetet dhe tregjet e kapitalit dhe mbetemi të palëkundur në synimin tonë për të arritur standardet më të larta të cilësisë. Pandemia COVID-19 sfidoi gatishmërinë tonë për t'u përshtatur me mënyra të reja të të punuarit duke iu përgjigjur paralelisht rreziqeve të ndryshuara të auditimit si dhe duke ruajtur fokusin në mirëqenien dhe sigurinë e profesionistëve tanë. Infrastruktura jonë dhe më shumë se një dekadë investimesh në transformimin dixhital të biznesit tone, na lejuan të përshtatemi shpejt dhe lehtësisht drejt një mjedisi kryesisht virtual të të punuarit. Aftësia jonë për të ruajtur nivelet e cilësisë ndërkohë që fuqia punëtore pësoi tranzicion drejt një mjedisi kryesisht virtual pune, është një shembull kryesor i përkushtimit tonë për të sjellë integritet dhe besim në tregjet e kapitalit.

Ne jemi të përkushtuar për të udhëhequr profesionin drejt cilësisë së auditimit dhe inovacionit. Kjo dëshmohet nga aftësia jonë për të krijuar një përvojë me të vërtetë dixhitale, që përdor teknologji të përparuara dhe analizë të të dhënave, sipas një metodologjie të bazuar në risk, që sjell cilësi të lartë dhe sjell vlerë të shtuar dhe më shumë njohuri. Ne vijojmë të bëjmë investime të konsiderueshme në teknologji inovative dhe në zhvillimin e njerëzve tanë për të transformuar mënyrën e auditimit. Këto investime do të përmirësojnë vazhdimisht cilësinë e auditimit dhe do të modelojnë të ardhmen e profesionit tonë.

Raport i Transparencës paraqet një analizë të thelluar të strukturës sonë, qeverisjes dhe qasjes ndaj cilësisë së auditimit, që ka për bazë një sistem solid të kontrolleve të cilësisë. Ne e publikojmë këtë raport çdo vit për të dhënë informacione shpjeguese mbi kategorizime të caktuara të informacionit në lidhje me qeverisjen e korporatave dhe transparencën.

Ndërsa shohim drejt së ardhmes, ne udhëhiqemi me integritet në përkushtimin tonë për shtimin e vlerës së profesionit dhe kryejmë me krenari misionin tonë për të lënë një impakt që ka rëndësi për palët tona të interesit. Faleminderit për mundësinë për të ndarë me ju progresin tonë, ndërsa vijojmë rrugëtimin tonë për të ngritur standardet e cilësisë së auditimit në rrjetin global Deloitte dhe në profesion.

Enida Cara FCCA, CA

Drejtoreshë e shërbimeve të Auditimit dhe Këshillimit të Sigurisë Financiare
Deloitte Audit Albania Shpk

Rrjeti Deloitte

Deloitte Audit Albania: struktura ligjore dhe pronësia

Deloitte Audit Albania Shpk është e lidhur me rrjetin Deloitte përmes Deloitte Central Europe Holdings Limited, një shoqëri anëtare e Deloitte Touche Tohmatsu Limited. Deloitte Central Europe, së bashku me Deloitte France, Deloitte Germany, Deloitte Luxembourg dhe Deloitte Austria janë aksionerë në Deloitte DCE GmbH ("DCE"), që është gjithashtu një shoqëri anëtare e Deloitte Touche Tohmatsu Limited. Synimi i DCE është nxitja e bashkëpunimit midis aksionerëve të saj si anëtarë të rrjetit global Deloitte. DCE nuk ofron ndonjë shërbim profesional dhe nuk angazhohet me aktivitete tregtare.

Deloitte Audit Albania Shpk është referuar përgjatë këtij raporti si "Deloitte Audit Albania". Deloitte Central Europe, si një organizatë e entiteteve të organizuara nën ombrellën e Deloitte Central Europe Holdings Limited, është referuar përgjatë këtij raporti si "Deloitte Central Europe".

Deloitte Central Europe Holdings Limited zotëron të drejta për të ofruar shërbime profesionale duke përdorur emrin "Deloitte", emër i cili përdoret nga njësitë e Deloitte brenda territorit të saj (Deloitte Central Europe), përfshirë Deloitte Audit Albania. Deloitte Audit Albania është e autorizuar të shërbejë si auditor për klientët në Shqipëri.

Deloitte Audit Albania operon si një shoqëri me përgjegjësi të kufizuar, themeluar sipas ligjit Shqiptar, me zyrë të regjistruar në Rr. "Faik Konica", 1010, Tiranë, Shqipëri dhe numër regjistrimi L41709002H.

Mbajtësit e kuotave janë si më poshtë:

- Olindo Shehu - 51 %
- Deloitte Central Europe Holdings Limited - 49 %

Kërkesa për licencim për pajtueshmërinë me ligjin

Deloitte Audit Albania sh.p.k. është regjistruar në regjistrin publik të ekspertëve kontabël të autorizuar pranë Institutit të Ekspertëve Kontabël të Autorizuar (IEKA) më 31 korrik 2014 me numër license 423.

Përshkrimi i rrjetit

Rrjeti Deloitte

Rrjeti Deloitte është një rrjet global i shoqërive anëtare dhe filialeve të tyre që operojnë në më shumë se 150 shtete dhe territore në të gjithë botën. Këto shoqëri të vecanta dhe të pavarura operojnë nën një markë të përbashkët.



Deloitte Touche Tohmatsu Limited (DTTL ose Deloitte Global)

Deloitte Touche Tohmatsu Limited është një kompani private në Mbretërinë e Bashkuar me përgjegjësi të kufizuar me garanci, e inkorporuar në Angli dhe Uells. DTTL luan një rol koordinues për firmat anëtare dhe filialet e tyre, duke kërkuar respektimin e politikave dhe protokolleve me qëllim promovimin e vazhdueshëm të një niveli të lartë të cilësisë, të sjelljes profesionale dhe shërbimit në të gjithë rrjetin Deloitte. DTTL nuk ofron shërbime profesionale ndaj klientëve, dhe as nuk drejton, menaxhon, kontrollon apo zotëron ndonjë interes në ndonjë firmë anëtare apo entitete të lidhura me ndonjë firmë anëtare.

"Deloitte" është brandi nën të cilën afërsisht 312,000 profesionistë të përkushtuar në firma të pavarura në të gjithë botën bashkëpunojnë për të ofruar auditim, konsulencë, këshillim financiar, këshillim risku, shërbim taksash dhe shërbime të ngjashme ndaj klientëve të zgjedhur. Këto firma janë anëtare të DTTL. DTTL, këto firma anëtare dhe secila prej entiteteve të lidhura respektive, formojnë "organizatën Deloitte". Çdo firmë anëtare e DTTL dhe / ose entitetet e lidhura ofrojnë shërbime në zona të veçanta gjeografike dhe i nënshtrohen ligjeve dhe rregulloreve profesionale të një vendi të caktuar ose vendeve në të cilat operojnë. Çdo firmë anëtare e DTTL është strukturuar në përputhje me ligjet, rregulloret, praktikën zakonore dhe faktorë të tjerë, dhe mund të sigurojë ofrimin e shërbimeve profesionale në territoret e saj përkatëse përmes njësive të lidhura. Jo çdo firmë anëtare e DTTL ose entitetet e lidhura ofrojnë të gjitha shërbimet dhe disa shërbime mund të mos jenë të disponueshme për të atestuar klientët sipas normave dhe rregulloreve të kontabilitetit publik. DTTL, dhe çdo firmë anëtare e DTTL si dhe secila prej entiteteve të lidhura, janë juridikisht të ndara dhe të pavarura, nuk mund të detyrojnë njëra-tjetrën në lidhje me palët e treta. DTTL dhe secila firmë anëtare e DTTL, dhe entitetet përkatëse të tyre, janë përgjegjëse vetëm për veprimet dhe mosveprimet e tyre, dhe jo ato të njëri-tjetrit. Organizata Deloitte është një rrjet global i firmave të pavarura dhe jo një partneritet ose një firmë e vetme. DTTL nuk ofron shërbime për klientët.

Deloitte Audit Albania: qeverisja –lidershpi në veprim

Deloitte Audit Albania operon si një shoqëri me përgjegjësi të kufizuar, themeluar sipas ligjit Shqiptar, me zyrë të regjistruar në Rr. “Faik Konica”, 1010, Tiranë, Shqipëri dhe numër regjistrimi L41709002H.

Bordi i Drejtuesve të Deloitte Audit Albania është përgjegjës për qeverisjen dhe mbikëqyrjen e praktikës së Auditimit dhe Këshillimit të sigurisë financiare. Përgjegjësitë specifike përfshijnë aprovimin e strategjisë lokale të biznesit për auditimin dhe sigurinë financiare, aprovimin e aspekteve financiare të planeve të biznesit vendor. Bordi i Drejtuesve asistohet nga ekipe të specializuara që këshillojnë për çështje specifike dhe / ose implementojnë politika.

Më poshtë paraqiten anëtarët e Bordit Drejtues të Deloitte Audit Albania, të emëruar nga mbledhja e aksionerëve, dhe nga Audituesit Ligjor të Autorizuar prej katër vitesh që nga data e emërimit:

Deloitte Audit Albania – Bordi i Drejtuesve

Olindo Shehu – Administrator

Enida Cara – Administrator

Gregory Paul Rossouw - Administrator

Partnerët dhe Drejtuesit e mësipërm veprojnë si administratorë të Deloitte Audit Albania, në përputhje me statutin e shoqërisë sipas ligjit nr. 9901 datë 14 Prill 2008, “Për tregtarët dhe shoqëritë tregtare”.

Deloitte Audit Albania më 31 dhjetor 2020 ka të punësuar 39 punonjës profesionistë.

Në të gjitha aktivitetet e tyre, drejtuesit e lartë të Deloitte Audit Albania janë përgjegjës për objektivin e tejkalimit të kualitetit standard të auditimit, duke përfshirë pajtueshmërinë me standardet profesionale të zbatueshme dhe kërkesat rregullatore. Strategjia e Deloitte Audit Albania është zhvilluar në përputhje me orientimin e përgjithshëm strategjik të vendosur për rrjetin Deloitte.

Drejtuesit e Deloitte Audit Albania marrin pjesë në grupe të rrjetit Deloitte që përcaktojnë dhe monitorojnë standardet e cilësisë, dhe prej të cilave burojnë një sërë iniciativash të cilësisë së auditimit.

Qëllimi dhe angazhimi ynë: të nxitim besim dhe konfidencë

Në Deloitte Audit Albania, qëllimi ynë është të lëmë një impakt që ka rëndësi. Për Auditimin dhe Sigurinë financiare, kjo nënkupton fokusin tonë në zhvillimin e auditimeve të pavarura me cilësi të lartë dhe nxitjen e konfidencës dhe besimit në tregjet e kapitalit përmes shërbimeve që ne ofrojmë. Kjo kërkon që ne, në mënyrë të vazhdueshme, të zhvillojmë aftësitë për të suportuar kryerjen e auditimeve me cilësi të lartë dhe të japim kontribute me rëndësi në modelimin e së ardhmes së profesionit të audituesit.



Çfarë sjell Deloitte Audit në tregjet e kapitalit

Transformimi i Auditimit dhe Sigurisë Financiare

Të qenurit një profesion i përshtatshëm i së ardhmes dhe të ruajturit e një praktike të qëndrueshme që zhvillohet me ritmin e ndryshimit në teknologji dhe shoqëri është mjaft kritike. Iniciativa e Transformimit të Deloitte Audit & Siguri Financiare, ka pikërisht këtë qëllim, që aktualisht po zhvillohet dhe është implementuar në rrjetin Deloitte, duke përfshirë Deloitte Audit Albania.

Transformimi i Auditimit dhe Sigurisë Financiare është një ndryshim i rëndësishëm në të gjithë rrjetin në mënyrën si punojnë profesionistët e Deloitte dhe përfshin:

Mënyra Deloitte: standartizimi i proceseve të auditimit të mbështetura nga teknologjia e përshtatshme	Monitorim i cilësisë së auditimit në kohë reale
Fuqizimi i modelit talent, që përfshin të mësuarit, shpërblimet, qendrat e përsosmërisë dhe qendrat e shpërndarjes	Implementimi i shpejtë i instrumenteve dhe teknologjive për t'iu përgjigjur ndryshimeve rrethore

Aprovimi dhe vazhdimësia e angazhimit të auditimit

Deloitte Audit Albania ka politika dhe procedura të detajuara për aprovimin e klientëve dhe angazhimeve të ardhshme dhe vlerësimin e riskut të angazhimit. Këto politika dhe procedura janë hartuar me objektivin që Deloitte Audit Albania pranon vetëm angazhimet për të cilat:

- Është në gjendje të kryejë angazhimin dhe ka aftësitë, duke përfshirë kohën dhe burimet, për ta bërë këtë.
- Mund të pajtohet me të gjitha kërkesat përkatëse etike dhe standardet profesionale, duke përfshirë vlerësimet dhe konsideratat e pavarësisë dhe të konflikteve të interesit.
- Ka konsideruar integritetin e ekipit të menaxhimit të klientit potencial.

Inovacioni i Auditit

Me mënyrën Deloitte, Deloitte po sjell risi në thelbin e mënyrës se si ne auditojmë: me automatizimin që përmirëson detyrat rutinë, analitikën që japin një perspektivë më të thelluar dhe më të kuptueshme të të dhënave, dhe inteligjencën artificiale që përmirëson zbulimin njerëzor dhe zgjidhjen e problemeve. Si rezultat, klientët përjetojnë një përvojë më pak të rënduar, me më shumë transparencë dhe njohuri më të thelluar.

Inovacioni është një pritshmëri në mjedisin e sotëm të biznesit që ndryshon me shpejtësi, dhe kjo pritshmëri vlen edhe për profesionin e audituesit. Mjedisi i sotëm kompleks i biznesit kërkon që auditimi të jetë dinamik, shumëdimensional dhe informues. Ka kërkesë për informacion në kohë reale, të rëndësishëm, dhe klientët presin që auditimet të zhvillohen ndërsa përtërijnë bizneset dhe proceset e tyre. Ndërsa procedurat tradicionale ende kanë vendin e tyre në auditim, audituesit e Deloitte Audit Albania po përmirësojnë procedurat duke përdorur më shumë analitika bazuar në teknologji, Inteligjencën Artificiale (AI), teknologjitë kognitive dhe bazuar në 'cloud', etj. Kjo është pjesërisht për shkak të rritjes së automatizimit dhe efektivitetit që

instrumentet analitike të të dhënave dhe instrumente të tjera mund të sigurojnë, por edhe nevoja që Deloitte Audit Albania ka për të qëndruar në frontin e parë të përparimeve teknologjike të përdorura nga entitetet që ne auditojmë.

Inovacioni është një pjesë integrale e të gjithë procesit të auditimit.

Deloitte është përkushtuar drejt investimeve të vazhdueshme në teknologjitë e fundit dhe drejt larmisë së të menduarit që mundëson një cilësi të përmirësuar, njohuri dhe vlerë për klientët tanë dhe tregjet. Kjo përfshin Illumia, platformën tonë të analizave, si dhe një komplet të integruar të instrumenteve të inovacionit të gjitha të lidhura me re-në. Ne po zhvillojmë gjithashtu platformën e gjeneratës së re të performimit të auditimit bazuar në 'cloud' - Omnia - përveç Levvia, një zgjidhje për të mbështetur auditimet tona shumë të vogla.

Sëmundja Coronavirus 2019 (COVID-19)

Prioriteti më i lartë i Deloitte është siguria dhe mirëqenia e profesionistëve të tij. Ndërsa shpaloset ndikimi i COVID-19, investitorët dhe palët e interesuara shohin drejt audituesve më shumë se kurrë për të dhënë një opinion të pavarur mbi pasqyrat financiare të kompanive. Deloitte mbetet kompani e përkushtuar për këtë rol kritik dhe për kryerjen e auditimeve me cilësinë më të lartë.

Menaxhmenti i Deloitte Audit Albania dhe audituesit ndikohen nga kufizimet në udhëtime dhe kërkesat për të qëndruar në shtëpi. Me kufizime të udhëtimit që ndikojnë personelin dhe audituesit e njëjësive ekonomike, kompanitë mund të marrin informacione në mënyra të reja ose të ndryshme. Për më tepër, menaxhmenti i Deloitte Audit Albania është përballur me një pasiguri të konsiderueshme në dhënien e gjykimeve për të projektuar rezultatet e ardhshme operationale, flukset e parasë, vijëmsinë, dhe zhvillimin e analizës së vlerësimit, etj. Procesi i raportimit financiar ka të ngjarë të kërkojë analizë të kujdesshme dhe konsiderata të mëtejshme të ndikimit nga menaxhimi dhe audituesit duke pasur parasysh mjedisin aktual.

Të gjithë palët e interesuara të ekosistemit të raportimit financiar duhet të ushtrojnë gjykim domethënës në këtë mjedis të paprecedent dhe të pasigurt - qeveritë, kur projektojnë kohëzgjatjen e lockdoën-it; bankierët, kur vendosin nëse një kredi mund të shlyhet plotësisht; menaxhimi, kur vlerëson nëse një kompani mund të operojë në vijëmsi dhe komitetet e auditimit që sigurojnë mbikëqyrjen e menaxhimit; audituesit, kur vlerësojnë këto gjykime; dhe investitorët, kur analizojnë informacionin financiar të disponueshëm në dritën e këtyre pasigurive të paprecedenta.

Megjithëse kornizat ekzistuese të kontabilitetit kanë provizione për pasiguri, është e rëndësishme që përdoruesit e pasqyrave financiare dhe rregullatorët të presin një shkallë më të lartë të paqëndrueshmërisë së tregut dhe ekonomisë në të ardhmen e afërt.

Deloitte mirëpret deklaratat dhe udhëzimet publike të lëshuara nga rregullatorët që njohin pasiguri aktuale dhe theksojnë rëndësinë e paraqitjes së informacioneve për korporatat me cilësi të lartë, me perspektive progresive. E rëndësishmja është që, disa rregullatorë kanë përcjellë idenë se përpjekjet me mirëbesim për t'u siguruar investitorëve dhe pjesëmarrësve të tjerë të tregut informacione të kornizuara të orientuara drejt së ardhmes, nuk do të mendohen për së dyti. Deloitte kërkon të rrisë ndërgjegjësimin në lidhje me fushat që paraqesin sfida dhe kërkojnë më shumë kontroll, gjykim specifik sipas kontekstit, dhe rritjen e skepticizmit dhe dokumentacionit. Ka përfitime për publikun për transparencë më të lartë nga aktorë të ndryshëm të ekosistemit të raportimit financiar, që shtojnë ndërgjegjësimin për këto çështje. Kjo përfshin qartësimin mbi përgjegjësitë e menaxhmentit, komiteteve të auditimit, kompanive, audituesve, rregullatorëve dhe aktorëve të tjerë.

Teknologjia dhe infrastruktura e Deloitte ka mundësuar një reagim të shkathët dhe të shpejtë ndaj ndikimeve të ndryshme të COVID-19. Ne jemi përgatitur për kontigjenca të ndryshme në mënyrë që të mbështesim nevojat e ndryshuara të klientit dhe për të mbajtur të informuar profesionistët e Deloitte Audit Albania gjatë të punuarit në distancë. Planet e vazhdimësisë së biznesit të Deloitte Audit Albania janë azhurnuar dhe ne kemi pohuar që paketa e shërbimeve të Auditimit dhe Sigurimit Financiar ka gjerësinë e bandës së nevojshme për të siguruar vijëmsinë. Ne kemi lançuar Qendrën Globale të Deloitte Audit & Sigurim Financiar të Shpërndarjes Teknike të Burimeve - një lokacion qendror për burimet e auditimit dhe sigurimit financiar lidhur me COVID-19 në nivel global dhe lokalisht të adaptueshme. Përveç kësaj, informacionet për industrinë lidhur me COVID-19 janë përfshirë tek instrumenti i 'Disclosures Analytics' për të siguruar shembuj të informacioneve shpjeguese në disa fusha, duke përfshirë faktorët e riskut, ngjarjet pasuese si dhe diskutimet dhe analizën e menaxhmentit.

Modeli multidisiplinar (MMD)

MMD është një kontributor i rëndësishëm në auditimet me cilësi të lartë. Audituesit gjithnjë e më shumë përdorin punën e specialistëve në një numër fushash, përfshirë asistimin e tyre në vlerësimin e parametrave kontabël dhe në matjen e vlerës së drejtë kur auditohen pasqyrat financiare të kompanive që janë gjithnjë e më komplekse si rezultat i COVID-19. Më tej, ndërsa përdorimi i të dhënave të mëdha bëhet gjithnjë e më i përhapur në një linjë me përparimet e tjera dixhitale, kërkesa për analistë të dhënash dhe specialistë të IT do të rritet në përputhje me rrethanat. Përfitimet e MDM janë:

- Mundëson zhvillimin e njohurive mbi industrinë përmes lenteve të shumëfishta, gjë që rrit kuptueshmërinë e audituesve për risqet e biznesit në lidhje me kryerjen e auditimeve.
- Praktika e auditimit ka akses të menjëhershëm në burime dhe ekspertizë të specializuar në linjat e tjera të biznesit. Ajo promovon cilësinë e auditimit teksa audituesit mund të përfitojnë nga ekspertiza e profesionistëve këshillues, të cilët janë të aftë në tema që mund të mos jenë të njohura për audituesit.
- Një organizatë e larmishme ndihmon në tërheqjen dhe ruajtjen e talenteve kryesore.
- Kapitali intelektual është i disponueshëm brenda rrjetit për të përtërirë proceset e auditimit, teknologjitë, etj.
- Pjesë të ndryshme të biznesit tonë rriten me ritme të ndryshme gjatë periudhave të ndryshme kohore në tregje të ndryshme. MMD siguron një mbrojtje kundër paqëndrueshmërisë së tregut që është e rëndësishme për qëndrueshmërinë afatgjatë të rrjetit dhe bën të mundur investime të konsiderueshme në cilësinë e auditimit dhe në inovacion, madje edhe në kohë presionesh financiare mbi biznesin e auditimit.

Reagimi i Deloitte ndaj COVID-19 demonstroi qëndrueshmëri në përcaktimin e cilësisë së auditimit ashtu edhe interesit publik si parësor, mbështetur më tej nga përfitimet e konsiderueshme të MMD. Ngjarjet me cilësi negative kanë potencialin të impaktojnë markën Deloitte si një të tërë. Si rrjedhojë, secili biznes jo nën auditimin e Deloitte Audit Albania, ka një interes të përbashkët për të mbështetur iniciativat e cilësisë së auditimit.



Aftësitë organizative që ne ndërtojmë

Kultura Deloitte dhe dizenjimi i programeve tona të të nxënit i vendosin njerëzit tanë në front të parë. Profesionistët e Deloitte janë teknikisht të aftë me nivele të larta të etikës, integritetit, skepticizmit profesional dhe objektivitetit, dhe vazhdimisht po zhvillojnë aftësitë dhe përvojën e tyre.

Deloitte është përkushtuar në ofrimin e një përvojë të pakrahasueshme talentesh, duke zhvilluar profesionistët tanë dhe duke çuar më tej karrierën e tyre përmes krijimit të një mjedisi të të mësuari gjatë gjithë jetës. Ne jemi duke avancuar edukimin e auditimit, aftësitë dhe opsionet fleksibël të karrierës që tërheqin audituesit e ardhshëm.

Profesionistët e Deloitte kanë formime diverse, njohuri dhe aftësi të ndryshme që përmirësojnë aftësinë tonë si një organizatë në kryerjen e auditimeve me cilësinë më të lartë.

Për më tepër, disiplina operacionale, menaxhimi efektiv i biznesit tonë dhe zhvillimi i një qasje të veçantë për të bërë auditime sipas Mënyrës Deloitte, sigurojnë bazën për angazhimin tonë për të sjellë qëndrueshmëri në auditimet tona.

Ne po drejtojmë një biznes të qëndrueshëm auditimi dhe sigurie që

njeh dhe shpërblen njerëzit e tij dhe financon investimet e vazhdueshme në biznesin tonë.



Nismat e të mësuarit dhe zhvillimit

Qasja e transformuar e Deloitte në ofrimin e auditimit po ndryshon përvojën e auditimit për profesionistët tanë. Ekipet e auditimit fuqizohen nga instrumente dhe teknologji më të përparuara dhe nga përdorimi më i gjerë i analitikave të të dhënave brenda një rrjedhe pune të orientuar për të ekzekutuar ciklin e auditimit të plotë. Për profesionistët tanë, kjo do të thotë të përqendrohemi në mënyrën se si angazhimi planifikohet, ekzekutohet dhe menaxhohet në mënyrë konsistente në të gjithë globin duke përdorur teknika dhe aftësi me perspektivë nga e ardhmja. Kjo qasje gjithashtu ofron mundësi për të përmirësuar aftësitë e tyre teknike dhe profesionale. Për shembull, aftësitë e mëposhtme bëhen më të rëndësishme - analitikë e përmirësuar e të dhënave, menaxhimi i projektit, mendimi kritik, komunikimi, gjykimi i zgjeruar profesional dhe zbatimi i parimeve të kontabilitetit dhe auditimit për të punuar në mënyrë më efektive dhe për të patur angazhime me kualitet më të lartë.

Jo vetëm që ofrojmë vlerë në më shumë fusha, por ndërsa përmirësojmë aftësitë, ne ndërtojmë besim më të madh dhe bëhemi vlerësues gjithnjë e më të mirë të riskut.

Deloitte ka bërë investime thelbësore në talent dhe strategjitë e të mësuarit dhe ka transformuar kurrikulën e auditimit teknik për të ndërtuar aftësitë e rifreskuara dhe ekselencës e kërkuar nga niveli:

- Në thelb, ne kemi një kurrikulë të vetme, të detyrueshme të të mësuarit teknik të auditimit për audituesit, që targeton personat sipas nivelit, duke përdorur një përzierje dinamike të kryesuar nga instruktorë, kurse dixhitale sipas kërkesës dhe aktivitete në vendin e punës.
- Të gjithë profesionistëve të shërbimit të klientëve u kërkohet të kryejnë të paktën 20 orë arsimim të vazhdueshëm profesional (CPE) çdo vit dhe të paktën 120 orë çdo tre vjet, përmes programeve të strukturuar, formale, të tilla si kurse të brendshme ose të jashtme, seminare ose mësim elektronik duke mbuluar të gjitha fushat e modelit të kompetencës (p.sh., kompetencat e përbashkëta, kompetencat teknike specifike të funksionit dhe kompetencat në fushat e specializimit).
- Të gjithë profesionistët e shërbimit të klientit kanë përcaktuar qartë pritshmëritë e roleve dhe Standardet tona të Talentit përshkruajnë aftësitë që kërkohen nga praktikuesit në secilin nivel.

Deloitte gjithashtu ka krijuar mundësi specifike të të mësuarit për specialistët që punojnë në angazhimet e auditimit për të mbështetur njohuritë dhe kuptueshmërinë e tyre të procesit të auditimit. Menaxhimi i zgjeruar i projektit, një aftësi kryesore për ekzekutimin e angazhimeve të auditimit, është përfshirë në programet vjetore të zhvillimit, të cilat ofrojnë një ndërthurje të zhvillimit të të mësuarit të aftësive teknike dhe aftësive të buta. Qëllimi i programit të zhvillimit profesional Deloitte Audit Albania është të ndihmojë partnerët dhe praktikuesit të mbajnë dhe të përmirësojnë kompetencën e tyre profesionale dhe të sigurojnë qëndrueshmërinë e ekzekutimit të auditit. Për të suplementuar zhvillimin në mjedis pune, Deloitte Audit Albania ofron programe zyrtare të zhvillimit profesional të vazhdueshëm në fushat përkatëse në përputhje me Kurrikulën e Auditimit dhe Sigurimit Financiar të Deloitte Audit Albania.

Përmes një sistemi të automatizuar të monitorimit, është e mundur të kontrollohet statusi i kurseve të brendshme dhe të jashtme të ndjekura nga një auditues individual. Edukimi i vazhdueshëm është gjithashtu një faktor i marrë në konsideratë për vlerësimin vjetor të stafit të auditimit dhe vlerësimin e potencialit të tyre të rritjes.

Universiteti Deloitte

Deloitte kultivon në mënyrë aktive njohuritë dhe aftësitë kolektive të profesionistëve globalisht përmes investimeve të vazhdueshme në Universitetet Deloitte (DU). Këto janë qendrat më të fundit të të mësuarit dhe zhvillimit të përqendruar në kulturën Deloitte, dhe të rrënjosura në parimet e udhëheqjes në një mjedis të mësuarit shumë gjithëpërfshirës.

Deloitte.
University

Kompensimi i Partnerit

Kryerja e auditimeve të cilësisë së lartë pritet nga të gjithë profesionistët e Deloitte dhe është e zbatueshme në të gjithë rrjetin e tij. Cilësia e auditimit njihet përmes programeve të shpërblimit dhe ndërtohet sipas standardeve të performancës në çdo nivel, kundrejt të cilave maten vlerësimet në total të profesionistëve.

Partnerët e Deloitte Audit Albania vlerësohen çdo vit, dhe në varësi të rezultatit të vlerësimit, shpërblimi i partnerëve mund të rritet ose të ulet. Specifikisht, për vlerësimet e partnerëve merren parasysh faktorët e mëposhtëm: cilësia, ekspertiza, integriteti, profesionalizmi, sipërmarrja, pavarësia dhe pajtueshmëria.

Auditimet me cilësi të lartë që ne ofrojmë

Përvoja e një auditimi të një cilësie të lartë, të realizuar mirë, do t'i sigurojë komiteteve të auditimit, investitorëve dhe palëve të tjera të interesit të kompanive (por pa u kufizuar në to):

- Një raport auditimi që është i përshtatshëm për rrethanat.
- Inovacioni në mënyrën se si ne e bëjmë auditimin.
- Më shumë njohuri mbi kompaninë e tyre në krahasim me sa ata kishin në fillim të procesit.



Monitorimi i cilësisë së auditimit të jashtëm dhe të brendshëm

Matja dhe Monitorimi i Cilësisë së Auditimit

Një fokus i vazhdueshëm në cilësinë e auditimit është me rëndësi kyçe për markën Deloitte. Është e rëndësishme që një auditim i kryer nga Deloitte të jetë me cilësi të lartë, kurdo dhe kudo që kryhet në botë.

Objektivat e programit të Monitorimit dhe Matjes së Cilësisë së Auditimit (MMCA) janë:

- Transformimi i mënyrës se si monitorohet dhe matet cilësia e auditimit dhe si zgjidhen mangësitë e auditimit; dhe
- Ngritja e sistemit të brendshëm të kontrollit të cilësisë që ndjekin të gjitha shoqëritë e rrjetit Deloitte

Programi MMCA është i fokusuar në nxitjen e:


- Monitorit të vazhdueshëm, konsistent të angazhimeve të kryera dhe në zhvillim.

- Të kuptuarit të mangësive kryesore dhe ekzekutimit në kohë të veprimeve korrigjuese nga të gjitha shoqëritë anëtare në mënyrë konsistente.
- Transparencë dhe konsistencë më të lartë në raportimin e masave kyçe të cilësisë së auditimit

Deloitte Audit Albania ka politika dhe procedura për të promovuar një kulturë të brendshme bazuar në idenë se cilësia është përparësia numër një. Deloitte Audit Albania fokusohet në përsosmërinë profesionale si themeli për arritjen e cilësisë së auditimit mbi një bazë të qëndrueshme.



Monitorimi dhe Matja e Cilësisë së Auditimit



Monitorimi në proces /“in-flight”

Monitorimi i vazhdueshëm i cilësisë së auditimit nga Deloitte Audit Albania përshpejton përgjigjen për çështjet e auditimit mbi angazhimet në proces, identifikimin, zgjidhjet dhe veprimet korrigjuese në kohë reale të arritura nga:

- Vendosja dhe monitorimi i një sërë diagnostikave thelbësore, duke mundësuar që partnerët dhe ekipet e angazhimit, të monitorojnë vazhdimisht cilësinë e auditimit dhe të ndërmarrin veprime të menjëhershme.
- Një program specifik “health check” për të asistuar drejtuesit e cilësisë së auditimit të Deloitte Audit Albania në vlerësimin e progresit dhe identifikimin e çështjeve të mundshme në angazhimet në proces.

Shqyrtime të Angazhimit

Komponentët kryesorë të shqyrtimeve të angazhimit (shqyrtimet e praktikave të brendshme) përfshijnë:

- Përzgjedhja e angazhimit bazuar në risk dhe shqyrtimi i të gjitha industrive kryesore të shërbyera nga Deloitte Audit Albania.
- Paneli i detyrueshëm i moderimit për të nxitur qëndrueshmëri në gjetjet dhe vlerësimet e angazhimit.
- Partnerët e jashtëm dhe përfaqësuesit që mbikëqyrin praktikën e rishikimeve për të rritur qëndrueshmërinë.
- Identifikimi i burimeve të përshtatshme (nga Deloitte Audit Albania si dhe nga lokacionet e tjera Deloitte) me eksperiencën e duhur dhe ekspertizën e industrisë, duke përfshirë krijimin e ekipeve qendrore të shqyrtimit.

Sistemi i kontrollit të cilësisë (SKC)

SKC përfshin elementë të shumtë, të tillë si dokumentimi i aspekteve kryesore të proceseve të SKC dhe kontrolleve, si dhe kryerja e procedurave për testimin e efektivitetit operativ të SKC, duke përfshirë ekzekutimin e një programi të plotë të shqyrtimit të SKC.

Përdorur së bashku me metrika të tjera, Treguesit e Cilësisë së Auditimit (AQIs) ndihmojnë më tej Deloitte Audit Albania në zhvillimin dhe monitorimin e planeve të veprimit dhe raportimin mbi progresin e cilësisë së auditimit gjatë procesit të auditimit. AQIs janë të integruar me aktivitetet e vazhdueshme nga programi i monitorimit të cilësisë së auditimit (AQMM).

Në shtim të kësaj, koha dhe sekuenca e duhur e aktiviteteve të auditimit, duke përfshirë rishikimet në kohë të punës së kryer dhe zgjidhjet e çështjeve të identikuara, janë të lidhura ngushtë me kryerjen e auditimeve me cilësi të lartë. Cilësitë kryesore të auditimit kanë për qëllim të nxisin qëndrueshmërinë e ekipeve të angazhimit në menaxhimin e projekteve, kohën kur bëhet puna dhe

fokusimin e nevojshëm në personelin e angazhimit, duke përfshirë mjaftueshmërinë dhe ekspertizën e burimeve të caktuara.

Analizimi dhe rehabilitimi i faktorit shkakësor

Përqendrimi në përmirësimin e vazhdueshëm është thelbësor për nxitjen e përmirësimeve në cilësinë e auditimit. Të kuptuarit përse ndodhin mangësitë gjatë auditimit, është thelbësor për hartimin e planit efektiv për të adresuar gjetjet. Më tej, veprimet ndërmerren kur identifikohen mangësitë e auditimit në performancën e një angazhimi të auditimit. Riparimi i nivelit të angazhimit është i domosdoshëm për të nxitur përmirësimin e vazhdueshëm të cilësisë së auditimit dhe për të shmangur gjetjet e ngjashme në të ardhmen. Plani i Cilësisë së Auditimit është përgatitur nga Deloitte Audit Albania dhe siguron zbatimin efektiv dhe monitorimin e prioriteteve kryesorë të cilësisë së auditimit.

Inspektimet e jashtme

Përveç kontrollit të brendshëm të cilësisë së auditimit Deloitte Audit Albania, i nënshtrohet kontrolleve të jashtme nga Instituti i Ekspertëve Kontabël të Autorizuar të Shqipërisë (IEKA) dhe Bordit Publik të Mbikëqyrjes. Kontrolli i fundit i sigurimit të cilësisë u krye më 22 Nëntor 2018 nga Bordi Publik i Mbikëqyrjes së Shqipërisë.

Deklaratë mbi efektivitetin e funksionimit të sistemit të kontrollit të brendshëm të cilësisë

Ne konfirmojmë se jemi të kënaqur që kontrollet dhe sistemet tona të brendshme të kontrollit të cilësisë janë solide, funksionojnë në mënyrë efektive dhe na lejojnë të identifikojmë me lehtësi çdo fushë potenciale përmirësimi. Ne vazhdimisht kërkojmë të rafinojmë të gjitha aspektet e biznesit tone dhe përdorim gjetjet që vijnë si rezultat i rishikimit të praktikës, rishikimeve të tjera të brendshme dhe rishikimeve të jashtme rregulatore për të forcuar sistemin tonë të kontrollit të cilësisë.

Pavarësia, etika dhe informacion shtesë shpjeguese

Pavarësia e Deloitte Audit Albania



Përcakton **politikat dhe procedurat e pavarësisë** bazuar në Kodin e Etikës për Kontabilistët Profesionistë të lëshuar nga Bordi i Standardeve Ndërkombëtare të Etikës për Kontabilistët. Kryen shqyrtime të plota të kontrolleve të cilësisë së pavarësisë në një cikël trevjeçar; zhvillon një program vjetor të përqendruar të rishikimit që do të zbatohet nga shoqëritë e Deloitte Central Europe si pjesë e Rishikimit të Praktikës së Auditimit për vitet jashtë ciklit; dhe shqyrtime të thelluara pasuese sipas nevojës.



Kryen **aktivitete monitoruese të vazhdueshme** - duke mundësuar përmirësime në vijëmbasi të politikave, kontrolleve të cilësisë, mjeteve dhe aktiviteteve mbështetëse të praktikës.



Përdor **sisteme informacioni** për t'u siguruar profesionistëve informacione të njohura për të mbështetur pajtueshmërinë me kërkesat personale dhe profesionale të pavarësisë, përfshirë interesat financiarë dhe miratimet e shërbimeve.



Mbështet **ndërgjegjësimin mbi pavarësinë** përmes angazhimit aktiv me grupet e pavarësisë dhe udhëheqjes së biznesit, përmes komunikimeve dhe njoftimeve periodike, udhëzimeve, mësimëve dhe instruksioneve.

Pavarësia e Deloitte Audit Albania

Deloitte Audit Albania ka politika dhe procedura të përpiluara për të adresuar pajtueshmërinë me standardet e aplikueshme profesionale që lidhen me pavarësinë. Këto politika dhe procedura bazohen në Kodin e Etikës për Kontabilistët Profesionistë ("Kodi"), të lëshuar nga Bordi i Standardeve Ndërkombëtare të Etikës për Kontabilistët, dhe plotësohen sipas nevojës për të reflektuar kërkesat shtesë kombëtare ose rajonale që mund të jenë më kufizuese se kodi. Drejtimi i Deloitte Audit Albania përforcon rëndësinë e pajtueshmërisë me standardet e pavarësisë dhe standardet e kontrollit të cilësisë, duke vendosur kështu theksin e duhur dhe duke injektuar rëndësinë e këtij elementi në vlerat dhe kulturën profesionale të Deloitte Audit Albania. Strategjitë dhe procedurat për të komunikuar rëndësinë e pavarësisë për partnerët, profesionistët e tjerë dhe stafin mbështetës, janë miratuar duke theksuar përgjegjësinë e çdo individi për të kuptuar dhe përmbushur kërkesat e pavarësisë.

Elementet kyç të sistemit të kontrollit të cilësisë që Deloitte Audit Albania ka implementuar në përputhje me politikat e tij të pavarësisë përfshijnë:

- Pranimi dhe monitorimi i angazhimit
- Monitorimi i kërkesave për rotacion të partnerëve dhe profesionistëve në raport me entitetet e audituara
- Vlerësimi dhe monitorimi i marrëdhënieve të biznesit
- Përdorimi i instrumenteve të biznesit mbi procesin e pavarësisë, duke përfshirë Sistemin e Kërkimit dhe Pajtueshmërisë Deloitte (DESC), Sistemin Global të Monitorimit të Pavarësisë (GIMS), konfirmimet vjetore të pavarësisë, dhe procedurat e konsulencës për të monitoruar pajtueshmërinë me kërkesat e pavarësisë.
- Procedurat për të identifikuar dhe analizuar mosrespektimin e kërkesave të pavarësisë dhe aplikimin e masave dhe veprimeve disiplinore përkatëse

- Të mësuarit dhe komunikimet lidhur me pavarësinë
- Një rishikim i brendshëm mbi pajtueshmërinë e pavarësisë u krye gjatë këtij viti dhe raporti u lëshua më 15 dhjetor 2020.



DESC

Deloitte Entity Search and Compliance

Databaza globale, e kërkueshme, që përmban informacione specifike të entitetit, të rëndësishme për përcaktimin e kufizimeve personale dhe profesionale të pavarësisë



GIMS

Global Independence Monitoring System

Aplikacioni që përmban të dhëna për marrëdhëniet financiare me treguesit përkatës të pajtueshmërisë së pavarësisë

Kërkesat e anëtarësimit në shoqëri të partnerëve dhe profesionistëve të auditimit për kohë të të gjatë

Deloitte Audit Albania ndjek politika dhe procedura që kërkojnë rotacionin e partnerëve kryesorë të auditimit dhe personelit siç përcaktohet në nenin 42 të ligjit nr. 10091, datë 5 Mars 2009, ndryshuar sipas ligjit nr. 47/2016, datë 28 Prill 2016 “Për kontrollin ligjor, organizimin e profesionit të auditorit ligjor dhe ekspertit kontabël të miratuar”. Individët përgjegjës për kryerjen e auditimit ligjor nuk duhet t'i shërbejnë një njësie ekonomike për më shumë se shtatë vjet rresht në pozicionin e një partneri kryesor të auditimit. Ata nuk duhet të marrin pjesë përsëri në kontrollin ligjor të subjektit të audituar para se të kenë kaluar dy vjet pas ndërprerjes së shërbimit të tillë. Gjatë periudhës së ftohjes prej dy vjetësh, partneri kryesor i auditimit nuk duhet të marrë pjesë në auditimin e subjektit të audituar, të kryejë rishikimin e kontrollit të cilësisë së angazhimit, të konsultohet me ekipin e angazhimit ose subjektin e audituar në lidhje me çështjet teknike ose specifike të industrisë, transaksionet apo ngjarje, ose përndryshe ndikon drejtpërdrejt në rezultatin e kontrollit ligjor.

Edhe pse është përgjegjësia kryesore e individëve që shërbejnë si partnerë kryesorë të auditimit për të garantuar që janë në përputhje me kërkesat e rotacionit, Deloitte Audit Albania zbatoi një proces monitorimi që përfshin ndër të tjera analiza të portofoleve të klientëve dhe individëve të caktuar në role të ndryshme për auditimet ligjore, si dhe duke marrë në konsideratë kompetencën, aftësinë,

ngarkesën e punës dhe disponueshmërinë e audituesve ligjorë, në mënyrë që t'u mundësojë këtyre individëve të shkarkojnë në mënyrë adekuate përgjegjësitë e tyre si partnerë kryesorë të auditimit.

Etika

Të gjithë profesionistët e Deloitte priten të veprojnë me integritet në përputhje me standardet e larta etike siç përshkruhet në Kodin e Sjelljes të Deloitte Audit Albania që përcakton angazhimet që bëjnë të gjithë profesionistët e Deloitte Audit Albania në lidhje me standardet etike, si dhe shpjegon përgjegjësitë e secilit individ ndaj klientëve, kolegëve dhe shoqërisë.

Përveç Kodit të Sjelljes, elementë të tjerë themelorë të programit të etikës së Deloitte Audit Albania përfshijnë një program trajnimi dhe komunikimi dhe kanale të ngritura të raportimit, të suportuara nga protokollet e menaxhimit të incidenteve. Për përmirësim të vazhdueshëm, bëhen vlerësime dhe rishikime të rregullta të programeve, të cilat përmbledhen nga profesionistët tanë përmes një studimi vjetor të etikës.

Deloitte Audit Albania ka politika dhe procedura që bazohen në politikat globale dhe të cilat janë dizenuar për të siguruar që profesionistët e saj janë në përputhje me kërkesat etike përkatëse.

Kërkesat etike për auditimin dhe shërbimet e lidhura me sigurimin financiar të ofruara nga Deloitte Audit Albania, janë në përputhje me kërkesat e Institutit të Ekspertëve Kontabël të Miratuar (“IEKA”) dhe Bordit të Mbikëqyrjes Publike (“BMP”). Politikat dhe procedurat e Deloitte Audit Albania gjithashtu përputhen me kërkesat dhe udhëzimet e përcaktuara në Kodin Ndërkombëtar të Etikës për Kontabilistët Profesionalistë të lëshuar nga Bordi i Standardeve Ndërkombëtare të Etikës për Kontabilistët, një organ përcaktues i standardeve nga Federata Ndërkombëtare e Kontabilistëve (IFAC). Kur kërkesat profesionale kombëtare janë më kufizuese sesa politikat dhe procedurat e Deloitte Audit Albania, Deloitte Audit Albania ndjek kërkesat e zbatueshme kombëtare.

Deloitte Audit Albania forcon angazhimin e saj për etikën dhe integritetin përmes mjeteve të komunikimit, programeve të të mësuarit, proceseve të pajtueshmërisë dhe sistemeve të vlerësimit. Për më tepër, Deloitte Audit Albania kërkon që të gjithë partnerët, profesionistë të tjerë dhe stafi ndihmës të konfirmojnë çdo vit që kanë lexuar dhe kuptuar Kodin e Sjelljes të Deloitte Audit Albania, dhe të kuptojnë se është përgjegjësia e tyre ta respektojnë atë.



Modelimi i të ardhmes së profesionit të audituesit

Ekipet e menaxhimit, komitetet e auditimit, investitorët, rregullatorët dhe përcaktuesit e standardeve, luajnë të gjithë role kyce në formësimin e një mjedisi në të cilin performohen auditimet. Ne përpiqemi të angazhohemi me këto palë, në rrugë formale dhe joformale, për të dhënë, shkëmbyer, diskutuar ide, që synojnë të vënë në dukje rëndësinë e auditimit dhe sigurisë financiare për tregjet e kapitalit.



Anekset

Aneksi A | Informacioni Financiar

Shënime shpjeguese në përputhje me nenin 45 të ligjit nr. 10091, datë 5 mars 2009, i ndryshuar sipas ligjit nr. 47/2016, datë 28 prill 2016 "Për auditimin ligjor, organizimin e profesionit të audituesit ligjor dhe kontabilistit të miratuar".

Ndarja e të ardhurave vjetore të Deloitte Audit Albania për 2020:

Të ardhurat	LEK
Auditimi Ligjor (NIP ose filiale të NIP)	45,742,914
Auditimi Ligjor (jo-NIP ose filiale të jo-NIP)	14,487,000
Shërbime jo-auditimi (entitete të tjera)	8,906,000
Shërbime të tjera të këshillimit dhe sigurisë financiare	44,352,306
Total	113,488,220

Aneksi B | Entitete të Interesit Publik

Shënime shpjeguese në përputhje me nenin 45 të ligjit nr. 10091, datë 5 mars 2009, i ndryshuar sipas ligjit nr. 47/2016, datë 28 prill 2016 "Për auditimin ligjor, organizimin e profesionit të audituesit ligjor dhe kontabilistit të miratuar", dhe me vendimin e Këshillit të Ministrave nr. 17, datë 16.01.2019, datë 18 Janar 2019, që përcakton se cilat kompani do të konsiderohen me "interes publik" për sa i përket natyrës së biznesit, madhësisë apo numrit të të punësuarve.

Entitetet e Interesit Publik të Audituarra për Qëllime Ligjore nga Deloitte Audit Albania në vitin financiar 2020:

Emri

ProCredit Bank SH.A.

OTP Bank of Albania SH.A.

Alpha Bank SH.A.

Deposit Insurance Agency

Devoll Hydropoëer SH.A

Tete Albania Tunnel & Mining SH.A

Albanian Marketing Service SH.P.K

Rossmann & Lala SH.P.K

Colacem Albania SH.P.K

ITX Albania SH.P.K

Rogner Hotel Tirana SH.P.K

GEN-I Tirana SH.P.K

British American Tobacco Albania SH.P.K

Comdata Albania SH.P.K

Rural Credit Guarantee Foundation

PARR SH.P.K

Technip Italy S.P.A - Tirana Branch

Albanian Red Cross

Deloitte.

Deloitte i referohet një ose më shumë shoqërive të Deloitte Touche Tohmatsu Limited ("DTTL"), rrjetit global të firmave anëtare dhe entiteteve të tyre përkatëse (kolektivisht, "organizata Deloitte"). DTTL (referuar gjithashtu si "Deloitte Global") dhe secila prej firmave anëtare të saj dhe subjektet e lidhura janë juridikisht të ndara dhe subjekte të pavarura, që nuk mund të detyrojnë njëra-tjetrën në lidhje me palët e treta. DTTL, çdo firmë anëtare e DTTL dhe çdo entitet i ndërlidhur me të, janë përgjegjës vetëm për veprimet dhe mosveprimet e veta, dhe jo ato të njëri-tjetrit. DTTL nuk ofron shërbime për klientët. Ju lutemi shihni www.deloitte.com/about për të mësuar më shumë.

Deloitte është lider global në dhënien e shërbimeve të auditimit dhe sigurimit financiar, konsulencës, këshillimit financiar, këshillimit për riskun, taksave dhe shërbimeve të ngjashme. Rrjeti ynë global i firmave anëtare dhe subjekteve të ndërlidhura, në më shumë se 150 vende dhe territore (së bashku, "organizata Deloitte") u shërben katër të pestat e kompanive Fortune Global 500®. Mësoni se si rreth 312,000 njerëz të Deloitte lënë një impakt që ka rëndësi në www.deloitte.com.

Ky botim përmban vetëm informacione të përgjithshme dhe asnjë nga Deloitte Touche Tohmatsu Limited ("DTTL"), rrjeti global i firmave anëtare ose entitetet e tyre të lidhura (kolektivisht, "organizata Deloitte") nuk ofron, me anë të këtij botimi, këshillim profesional apo shërbime. Para se të merrni ndonjë vendim ose të ndërmerrni ndonjë veprim që mund të ndikojë në financat ose biznesin tuaj, ju duhet të konsultoheni me një këshilltar të kualifikuar profesional.

Asnjë përfaqësim, garanci ose ndërmarrje veprimi (e shprehur ose e nënkuptuar) nuk bëhet në lidhje me saktësinë ose plotësinë e informacionit në këtë komunikim, dhe asnjë nga DTTL, firmat anëtare të saj, subjektet e lidhura, punonjësit ose agjentët, nuk do të jenë përgjegjës për ndonjë humbje ose dëmi çfarëdo, që vjen direkt ose indirekt në lidhje me ndonjë person që mbështetet në këtë botim. DTTL, secila prej firmave anëtare të saj dhe entitetet e tyre përkatëse, janë njësi ligjore të shkëputura dhe të pavarura.